

Tu Wachungaji Wasaidizi

Jihadharini na manabii wa uongo, watu wanaowajia wamevaa mavazi ya kondoo, walakini kwa ndani ni mbwa-mwitu wakali. - **Mathayo 7:15.**

Kadiri unavyomtafakari kidogo Yesu na upendo Wake usio kifani ndivyo unavyoshindwa kubadilishwa ili kufanana Naye, utajiona kuwa bora machoni pako mwenyewe, na ndivyo utakavyokuwa na kujiamini na kuridhika na jinsi ulivyo. Ufahamu sahihi wa Yesu, kumtazama daima Mwanzilishi na Mkamilishaji wa imani yetu, kutakupatia mtazamo wa namna ya tabia ya Mkristo wa kweli kiasi kwamba huwezi kushindwa kufanya makadirio sahihi ya maisha yako na tabia yako tofauti na zile za Mfano wetu mkuu....

Kukamilishwa kwa ajili ya kazi yako ni shughuli ya maisha, kila siku, kazi ngumu, mapambano ya mkono kwa mkono na mazoea yaliyowekwa, maelekezo, na mielekeo ya kurithi. Inahitaji juhudi ya mara kwa mara, ya dhati, na ya uangalifu ili kujitazama na kuidhibiti nafsi, kumweka Yesu kuwa mashuhuri na ubinafsi kutoonekana.

Ni muhimu kwako kuchungua eneo dhaifu katika tabia yako, kuzuia mielekeo mibaya, na kuimarisha na kukuza uwezo bora ambao haujatekelezwa ipasavyo. Kamwe ulimwengu hauwezi kujua kazi inayoendelea kwa siri kati ya nafsi na Mungu, wala uchungu wa ndani wa roho, kujichukia na jitihada za kudumu za kuidhibiti nafsi; bali wengi wa dunia wataweza kufurahia matokeo ya juhudi hizi. Watamwona Yesu akifunuliwa kila siku maishani mwako. Utakuwa barua iliyo hai, ijulikanayo na kusomwa na watu wote, na utakuwa na tabia linganifu, iliyokuzwa vizuri.

“Mjifunze kwangu,” alisema Yesu: “kwa kuwa Mimi ni mpole na mnyenyekevu wa moyo; nanyi mtapata raha nafsini mwenu.” Atawafundishwa wale wanaomjia kwa ajili ya kupata maarifa. Kuna walimu wa uongo wengi sana duniani. Mtume anatangaza kwamba siku za mwisho watu “watajipatia walimu makundi makundi, kwa kuwa wana masikio ya utafiti,” kwa sababu wanatamani kusikia mambo laini. Yesu alishawahi kutuonya juu ya mambo haya: “Jihadharini na manabii wa uongo, watu wanaowajia wamevaa mavazi ya kondoo, walakini kwa ndani ni mbwa-mwitu wakali. Mtawatambua kwa matunda yao.” Tabaka la walimu wa dini wanaoelezewa hapa wanadai kuwa Wakristo. Wana mfano wa utauwa na kuonekana kana kwamba wafanya kazi kwa ajili ya faida ya roho.... Wako vitani dhidi ya Yesu na mafundisho Yake, na hawana roho ya upole na unyenyekevu Wake....

Mchungaji Mwema alikuja kutafuta na kuokoa kile kilichokuwa kimepotea. Amedhihirisha katika kazi Zake upendo Wake kwa kondoo Wake. Wachungaji wote wanaofanya kazi chini ya Mchungaji Mkuu watakuwa na sifa Zake za kitabia; watakuwa wapole na wanyenyekevu wa moyo. Imani kama ya mtoto huleta utulivu kwa nafsi na pia hufanya kazi kwa upendo na daima amejawa na upendo kwa ajili ya wengine. Ikiwa Roho wa Yesu anakaa ndani yao, watakuwa kama Yesu na kufanya kazi za Yesu (**Testimonies for the Church 4:375-377**).